

luntatis Dei gratiam requiri, quod eam publice Christiani peterent, non solum ad opus bonum exequendum, sed etiam ad boni cogitationem: nec id tamen, quod Massilienses negabant, ante annum Christi 529. definire voluisse: in eavero cunctatione Ecclesiae consilium fuisse, ut exploraret, possent ne filii tritioris via, & faciliore ad sanitatem revocari, hoc est Ecclesiae proposita consuetudine: sed eam tandem definitione opus esse censuisse, quod filios videret scientes, ac volentes in tanto lumine cæcutire: id ipsum facturam in Conceptionis negotio Ecclesiam Catholicam: consilium ipsius in hoc Mysterio colendo satis esse explicatum: id si Theologi pertinaces improbe pergant interpretari, eodeniq; perventuram, ut Mysterium definiat. Nunc acumen libellatoris in solvendo Picinini argumento videamus.

*Ad objectum Picinini insultantis Pontificem, & deridentis Theologos, respondit primo Bellarminus, qui sibi idem argumentam objecit tamquam ab hæreticis illius temporis adinventam, ostendendo celebrationem festi Conceptionis non esse definitionem Mysterii, hisce verbis tomo 2. controvers. lib. 3. cap. 16. fundamentum hujus festi præcipuum non esse Conceptionem Immaculatam, sed simpliciter Conceptionem Matris Dei futurae. Qualiscumque enim fuerit illa Conceptio, eo ipso, quod Conceptio fuit Matris Dei, singulare gaudium affert mundo ejus memoria. Tunc enim primum habuimus certum pignus redemptionis; præsertim cum non sine miraculo ex Matre sterili concepta fuerit. Itaque hoc festum etiam illi celebrant, qui putant Virginem in peccato conceptam. Ex quo clarissime constat, celebrationem festi longe diversam esse a definitione Mysterii.*

Sed Bellarmini testimonium hoc tempore afferre hominis est in pessima causa desperantis. Nam quid eum post Alexandri decretum viri talis, ac tanti juvare potest auctoritas? Scripserat hæc Bellarminus, dieinq; suum obierat, cum Alexander Septimus, proposita veteri *Christi fidelium pietate sententiam, B. Mariae animam in primo instanti creatio-*